



Senin, 29 Agustus 2022
Ogen: 1 Samuel 2:18-19



Pentar Makeken Si Lit



Uis jadi sada kebutuhan pokok man manusia, selain pangan ras rumah ingin tading. La saja njaga dagingkulata nyaman rasa man tapi pe uis jadi sada 'fashion' ibas jaman sigundari enda. La saja model tapi bahanna pe seh kal belinna nentukan sikap man paken ras man tatapen simakesa. Adi sipergemetken kentisik, si bayangkan, lemarita ras isina, sibayangkan baju-baju si lit janah siateta silitken (si tukur). Emaka bisnis ras usaha fashion genduari seh kal luar biasana. Subuk ibas erga si murah ras meherga. Lit lalap gaya ras model baru. Adina la terkuasai kita dirinta, banci me kita dungna ndabuh kubas biak 'konsumtif'. Payo perlu kal kita mejile, amin bage gia la terjeng mejile tapi pe metunggun man tatapen. Sijadi penungkunen, kuga kita seimbang mperdiateken uista bagepe uis anak jabuta. Sabab lit kange kita, la mperdiateken uis anak jabuta, kita ngukuri uis, model, ras gayata saja. Amin lit ka nge si la mediate kerna peruisna sipenting anak jabuna sikap ras ratur kerina.

Bagenda me arah bahan renungenta enda, ituriken kuga Hana si enggo ngendesken anakna ku rumah pertoton tetap ertanggungjawab nandnagi keperluan anak e. Tep-tep paksa reh ia ku Silo, ersembah, isikapken ras ibabana uis si man paken Samuel anakna. Bagenda me sekalak nande si tetap rusaha mereken simehulina man anakna, nikapken uis siman paken gelah sikap ras metunggun kerinana.

Arah renungen enda iajuk kita guna mperdiateken keperluan geluhta, kai siman pangan, si man paken, inganta tading. Keperluan enda kerina sue ras situasi ras siniperluken. Sikapken, pakekenlah asa biasna, jadi kalak sisederhana ibas penampilan jabuta, la berat sebelah si cidahken kita. Sabab jabuta gambaren kegeluhen kinitekenta.